

Среда, 15 январь 1941 ар  
№ 5 (816)  
11-тй АРЗЭ ПОТЭ  
Дуныз: толэзылы 45 коп.

# УДАРНИК

ВКП(б)-лэн М-Пургинской  
Райкомезлэн но Райсоветлэн  
органы.  
(Адрес: с. М-Пурга, УАССР)

## Вань колхозник'ёслы, колхозницаослы, пудо вордонын, совхоз'ёсын но МТС-ёсын ужасьёслы

Сельской хозяйстволэн азымынсьёсызлэн—стахановец'ёслэн  
районной совещанизылэн участник'ёсызлэн

### о б р а щ е н и з ы

1940 сельскохозяйственной ар—Куиньметй Сталинской пятилеткалэн куиньметй арез йылпум'ямын. Кылем арын урожайностез но животноводстволэсь продуктивностез жутон'я выль замечательной гормон'ёсын ознаменоват каремын.

XVIII-тй партийной с'ездлэн исторической решениосыз сельской хозяйствоын социалистической соревнованилы бадзым жуткон отызы. Соревнование пырыскызы асьме районсы вань колхозник'ёс, колхозницаос, колхоз'ёс, бригадоос, звеноос но сельской хозяйстволэн специалист'ёсыз. Азымынсь колхоз'ёсысь колхозник'ёс передовой агротехнической наукалэсь достиженосез у же кутыса, ВСХВ-лэсь опытез, мощной техникаез кылдыса, упорной но честной труд'ёсын зерновой но технической культураослэсь выль урожай бастызы.

„15 лет Удмуртии“ колхозысь бригадир'ёс социалистической соревнование пырыскыса 100 пуд'ем урожай понна нюр'ясыкызы. Колхоз 1940 арын 617 гектар площадь выльсь шорлыдын котькуд гектарысьтыз быдэн 96 пуд зерновойёс бастыз. Та берло 4 ар куспын колхоз, шорлыдын, котькуд гектарысьтыз быдэн 85 пуд юнянь бастыз. „Красная заря“ колхоз кылем арын шорлыдын котькуд гектарысь зерновой культураослэсь 82 пуд урожай бастыз. Берло 4 ар куспын общо кизем площадьысьтызы котькуд гектарысь, шорлыдын, 110 пуд зег, 110 пуд сезы, 122 пуд йыды бастыз. „Янгалиф“ колхоз 1940 арын, шорлыдын, котькуд гектарысь 120 пуд зег бастыз. Быдэсак район'я 1940 арын зерновой культураослэсь, шорлыдын, котькуд гектарысь бастымын 69,9 пуд.

Азымынсь колхоз'ёсын умой будэто картошкаез но бакча сион'ёсты. Таин Чош ик будэто колхозлэсь доходэз но трудоденьлы тырон'ёсты. Кылсярысь, „Каймашур“ колхозысь Овчинников эшлэн звеноез, шорлыдын, гектарысь 305 центнер кияр бичаз. Звено киярез колхозной базаре вузаса колхозлы 17000 манет доход сётыз. „Восход“ колхозысь Федоров эшлэн звеноез, шорлыдын, гектарысь 350 центнер кубиста

бичаз. Ваньмыз та азымынсь колхоз'ёс но звеноос 1941 арын луоно ВСХВ-ын участник луыны кандидат'ёс луо.

Асьмеос общественной пудо вордонэз паськытатоньн синмаскымонэсь образец'ёс иметъ карыском. Азымынсь колхоз'ёс, фермаос молодняк'ёсты 100 процентсэ ик сохранить каронэз, фермаосын пудолэсь породностез умоятонэз добитыса карыскызы но шодскымон будэтйзы пудо вордонлэсь продуктивностез, йёл кыскон'я, ыжгон бастон'я но мукет'ёсыз'я.

„Юж-Пурга“ колхозысь молочно-товарной фермаын котькуд фуражной скаллэсь 1684 литр йёл кысконэз добитыса карыскызы, умолгэмын пудолэн породностез. Технической культураослэсь общественной осеменении. Техник-осеменатор Богалов эш искусственно осеменитъ карон планэз ыж'ёс'я 234 процентлы но скал'ёс'я 100 процентлы быдэстыз.

Общественной пудо вордонэз паськытатон'я уж урод пунктэмын өвёл „Янгалиф“, „15 лет Удмуртии“, „Красная заря“ но мукет'ёс'я колхоз'ёсын. Та колхоз'ёс вань фермаосты 100 процент укомплектоватъ каронэз быдэстызы, шодскымонлы умоятйзы пудо вордонлэсь продуктивностез.

**Эш'ёс, колхозник'ёс но колхозницаос, полеводческой но тракторной бригадоослэн бригадир'ёсы, совхоз'ёсысь умасьёс, животновод'ёс, колхоз'ёслэн председател'ёсы,** Куиньметй Сталинской пятилеткалэн нылетй арез сельской хозяйстволэсь вань отраслэсез азыланьын еще выль жутыны, арлы быдэ 8 миллиард пуд юнянь бастон сырысь, парсьёслэсь но ыж'ёслэсь йырлыдэс кык поллы, суро таза пудоослэсь йырлыдэс—40 процентлы будэтыны Сталин эшен пунктэм задачаез быдэстыны бадзымез луонлык'ёс усьтэ.

Сталин эшен пунктэм задачаез быдэстон целен, ми колхозник'ёс, колхозницаос, пудо вордонын, совхоз'ёсын но МТС-ёсын ужасьёс, полеводческой бригадоослэн бригадир'ёсы ВКП(б)-лэн XVIII-тй Всесоюзной партийной конференциезлэн нимыныз нимам социалистической соревно-

вание пырыскыса асьме вылэ тачеесь обязательствоос бастыском:

1. Образцово дасясконо большевистской тулыслы. Соин ик 1941 арын 1 март азелы тырмыт дасяно 1 но 2 класс'ем кидыс, быдэстоно инвентарез, вань сельскохозяйственной машинаосты но трактор'ёсты ремонтировать каронэз.

2. Тулыс ю кизён кампаниез вакчи дыр куспын ортчытон понна вал'ёслэсь упитанностезсэ умой каромы.

3. Колхозной бусыосы поттоно 80000 тонна кыед, колхоз'ёслы 1300 тонна минеральной удобрение ваёно но сое кёс помещениосын возёно, 2600 центнер пень бичано, 270 центнер гурт ылобурдо кыед, 20000 тонна торф но 1200 тонна кыед ву люкано.

4. Азымынсь агротехникалэсь вань правилоосез быдэс'яса, котькуд гектарысь, ичизэ вераса, 14—15 центнер ю тысь, 3,5—4 центнер етйн мертчан, 120 центнер картошка, 135 центнер бакча сион бастыны быгатоно.

5. Та обязательствоосты быдэстыны понна вазь валэс культураосты кизёнэз 7—10 нунал куспын, етйн кизёнэз 4—5 нунал куспын быдэстома. Кизём у м о й сортировать карем кидысэ, семенной участокез кизём кечат-вама (перекресным способом), кутомы тулыс вузэ, 2—3 нунал куспын кын улэ гыремез усяса быдэстома, усяяломы зег удэз. Кын улэ гыремез киземлэсь азыло умой обработать каром. Кизем юосты жаг турынлэсь чылкыт утылтом, паськыт орчтыом интыысь но минеральной удобрениосын подкормкаез. 15 кужым'ем тракторлы быдэ 700 гектар муз'емез ужаны нюр'ясконо.

Общественной пудо вордонэз паськытатоньн уезз пунктэм азымынсь колхоз'ёслэн, фермаослэн, пудо вордоньсь азымынсьёслэн опытсыя. Вань зоотехнической правилоосты быдэс'яса, 1941 арын общественной пудолэсь продуктивностез жутон: котькуд фуражной скаллы, ичизэ вераса, 1500 литр йёл кыско, котькуд ыжлэсь 3,5 килограмм ыжгон чышком. Утылтонэз, воспитывать каронэз шонер пуктыса но фермаосы круглосуточной дежурство тупатыса, фер-

маосысь пинал пудоосты 100 процентлы сохранить каром. Куныан'ёслэсь суткалы будонзэс 500 граммлы вуттом.

Ми, вазыскыском асьме районсы вань колхозник'ёслы, колхозницаослы, полеводческой но тракторной бригадоослэн бригадир'ёсылы, пудо вордонын, совхоз'ёсын, МТС-ёсын ужасьёслы, сельской хозяйстволэн специалист'ёсылы пырыскыны 18-тй Всесоюзной партийной конференцилэн нимыныз нимам всесоюзной социалистической соревнование.

Уже кутом асьмелэн стахановец'ёсмылэсь, ВСХВ-лэн участник'ёсызлэсь ужан опытсэ, азымынсь агротехнической наукалэсь вань азинскон'ёсез. Котькуд колхозын агрозоотехнической кружок организовать карыса, изучать каром азымынсь агротехникалэсь но зоотехникалэсь метод'ёсез. Котькуд колхозын ужлэн вань отраслэсыз'я ужан нуналлы распорядок тупатом.

Колхоз'ёсын, совхоз'ёсын но МТС-ёсын трудэз шонер организовать карыса, быдэсак быдгомы уравниловкаез но обезличкаез, юнматом трудовой дисциплинаез, жутон адямиослэсь честной колхозной трудын заинтересованностезсэ. Котькуд колхозын трудэз организовать каром звеноос'я, добитыса карыском звенносты быдэс хозяйственной арлы юнматонэз. Трудэз звеноос'я организовать карон вань уж'ёсты выль зечлыко но дыраз быдэс'яны юрттоз.

Ми, колхозник'ёс, райзолэн но МТС-ёслэн работник'ёсы, выламы бастытэм обязательствоосмес быдэстон понна нюр'ясыкыса, Агрызской районэз социалистической соревнование отыском.

Совещанилэн косэмез'я обращение гошгйскызы:

**М. Дерендяев, М. Новиков, З. Идрисов, И. Созонов, М. Кузьмина, Байсаров, А. Шадрин, И. Овчинников, В. Орлов, В. Байсарова, В. Булдаков** но Г. Степанов.

## Стахановец'ёслэн опытсыя ужабо вань колхоз'ёслы, совхоз'ёслы но МТС-ёслы

10 январе ортчиз районэз сельской хозяйствосы азымынсьёсын-стахановец'ёсын совещание. Совещаниын участвоватъ карызы 35 стахановец'ёс. Соос пёлын вал: тракторист'ёс, скал кыскысьёс, пинал пудо утысьёс, конюх'ёс, фермаослэн заведующийёсы, бусы ужын ужасьёс, бригадир'ёс но азымынсь колхоз'ёслэн председател'ёсы.

Совещаниын выступитъ кариз „Трудячийёсты коммунистически воспитатъ карон с я р ы с ь“ докладэн ВКП(б) райкомлэн секретарез И. Барышников эш. Со нимысьтыз ик бадзым вниманизэс вис'яз совещанилэн участник'ёсызлэсь: трудлэсь производительностез жутон, трудовой дисциплинаез юнматон, трудячийёслэсь культурностезсэ жутон сырысь вопрос'ёслы. Ваньмыз со герзамын вал интыысь пример'ёсын но факт'ёсын.

Доклад кылзэм беразы стахановец'ёс 1940 сельскохозяйственной арын ужам опыт'ёсынызы вош'ясыкыса но туэ арлы бастытэм обязательствозы сырысь верасыскызы. Туннэ газетамы куд-ог стахановец'ёслэсь выступленизэс печатласькоком.

Совещаниысен райзолэн заведующийез В. Булдаков эш 1940 арын Всесоюзной сельскохозяйственной выставканын участвоватъ карем азымынсьёслы-стахановец'ёслы Главвыставкомлэсь свидетельствоосез вручитъ кариз. Вручитъ каремын 14 муртлы. Соос пёлысь укмысез бастызы „10 лет УАО“ совхозысь дояркаос.

Совещанилэн участник'ёсыз районсы вань колхозник'ёслы, колхозницаослы, пудо вордоньсь, совхозысь, МТС-ёсысь ужасьёслы вазыскыса обращение кутйзы, кудйз погыз туннэ газетамы. Сельисполком'ёслэн но колхоз'ёслэн председател'ёсы, первичной партийной но комсомольской организациос азымынсьёслэсь - стахановец'ёслэсь обращенизэс колхозник'ёс пёлын мурмур обсудитъ карыса уезз умоятон выльсь конкретноез мероприятиос тупатонно луо.

## Мон нырысьсэ ВСХВ-ын участвовать каро

Укмыс ар конюх луыса ужай ни. Аслэстым ужме туж яратысько, вал'ёсты умой утылтыны сюлмаськысько.

1931 арын милям колхозын 81 вал лыд'ясыкиз. Нош али вал'ёслэн лыдзы 137 йырлы вуиз ни, вал'ёслэн выжызы арысь аре умоя.

1939 арын мон колхозысь вань эрвал'ёсты чистокровной но полукровной русской рысак'ёсын бызылыты. 1940 арын 31 эрвал'ёслэсь 25 чуньы басты. Туэ ваньзэ ик та чуньыосты мон сохранил кари. 90 процентэз эрвал'ёс чуньы ваёно луэмын. Таёе показательёсты бастыны быгатэм поннам райвыставком монэ 1941 арын луоно выставкаын участвовать карыны кандидатэ юнматиз.

Вань бастэм азинскон'ёсыным мон буйгатскыны

уг быгатыськы, туэ эрвал'ёсты 100 процентэ ик чистокровной но полукровной рысак'ёсын бызылыто.

Милям колхозын талэсь но синмаськымонэсь показательёс б а с т ы н ы луонлык'ёс в а н ь, со понна быгатыса, у м о й кивалтэм гинэ кулэ. Мон тужгес ик урод ужен лыд'ясько конюх'ёсты ч е м вош'ян практикаез. Колхозлэн азьло председателез Е. Кочин туэ ар вылти гинэ старшой конюхез куинь пол воштыны вуиз. Таос пöлысь одйгез но зеч ужаны дышыса öз вуттэ, ужен тодматскыса гинэ вуттызы.

**С. Фофанов,** Ленинлэн нимыныз нима колхозлэн конюхез.

## Обязательствомес быдэстом

Ми, „Квадашур“ колхозлэн фермаосаз ужасьёс, туэ арын куспамы чошатскыса ужаны вылысь социалистической договор гожтэм но таёеесь обязательствоос бастым: котькуд фуражной скаллы быдэ 1600 литр йöл кыскыны. Пинал пудоез ваньзэ ик сохранил карыса таза будэтыны. Кылем арын но пинал пудоез ваньзэ ик сохранил карим.

Ыж вордон ферма 1940 арын котькуд ыжлэсь 5 килограмм ыжгонзэ чышкыз. Туэ ми котькуд ыжлэсь быдэн 6 килограмм ыжгон чышкыны, котькуд овцематкалэсь быдэн кык ыжпизэ бастыны но таза будэтыны обязательство бастым. Сое ми быдэстом.

**И. Байсаров,** фермаослэн заведующоес.

## Котькуд фуражной скаллы быдэ 3250 литр йöл кыско

1939—1940 ар'ёсы м о н Всесоюзной сельскохозяйственной выставкалэн участникаез вал. Кылем арын ни мон пудо вордоньсы азымынсьёслэн опытсыя ужаса котькуд фуражной скаллы 3159 литр йöл кыскыны быгаты. Туэ арлы обязательство басты котькуд фуражной скаллы быдэ 3250 литр йöл кыскыны. Та обязательствоме мултэсэн быдэстыны понна нюр'ясько.

Кылем арын ми ваньмы ик дояркаос куспамы чошатскыса ужамы. Ваньмы ик планмес мултэсэн быдэстымы. Туэ арын эшшо но умойгес ужан вылысь ВКП(б)-лэн XVIII-ти Всесоюзной партконференциезлэн нимыныз нима соревнование пырыським. Со сяна м о н а с л а м приерея ужаны öтисько дояркаез П. Карпова эшез.

**М. Кузьмина,** „10 лет УАО“ совхозысь доярка.

## „10 лет УАО“ совхозын

Совхозлэн хозяйствеоз арысь аре будэ но экономически юнма, нуналмысь йылэ азымынсьёслэн лыдзы, паськыт вöлме стахановской движение. Совхоз 1940 арын производственной планзэ вань мероприятиос'я 100 процентлы быдэстыз.

Тракторист'ёс туэ ужан планзэ 101 процентсыен 280 процентозь быдэстызы. Тракторист'ёс М. Ураков ЧТЗ тракторен ужан планзэ 166 процентлы, Н. Сухих СТЗ тракторен ужан планзэ 224 процентлы, комбайнер'ёс Тукмачев сезонной планзэ 280 процентлы но Ивакин—250 процентлы быдэстызы. Соос туэ луоно сельскохозяйственной выставкаын участвовать карыны право бастон понна нюр'ясько.

Совхозлэн механикез ВКП(б) член Тарасов эш

IV-ти кварталын трактор'ёсты ремонтировать карон планзэ дырылэсь азьло быдэстыз, али организовать каре тракторист'ёсты дасян курс. Тулыс ю кизён азелы выль кадр'ёс дасямын луоз.

Татысь старшой зоотехник комсомолец Ершов эш пареёслэсь выжызэс умоятонын синмаськымонэсь показательёс возматанысь быгатыз. Солэн зоотехнической юрттэт сётэм улсаз 2 №-ро бригадын (бригадирез Лучинина эш) декабрь толэзе 31 свиноматкалэсь 303 парсьпи бастымын, соос пöлысь одйгез но быремын öвöл, ваньмыз таза будо. Та бригадасы ик свинарка З. Сухих декабрь толэзе 15 свиноматкалэсь 147 парсьпи бастыз но ваньмыз соос таза будо. Таёеесь азинскон'ёс бастыны быгатэмез понна 2 №-ро бригада туэ Всесо-

## Планзэс быдэс- тон понна уг нюр'ясько

Ижгортоплэн Уромской лесопунктэзлы Ижевск городэз но заводэз пуэн дыраз но тырмыт обеспечить карыны кулэ.

Куд-ог колхоз'ёслэн кивалтысьёсы нюлэс дасян но ворттон планзэ быдэстон понна уг нюр'ясько. Гожинской сельсоветысь Кировлэн нимыныз нима колхоз 1940 арлэн IV-ти кварталэзлы тупатэм нюлэс дасян планзэ 34 процентлы но ворттон планзэ 45 процентлы гинэ быдэстыз. Та колхозлэн председателез нюлэскы ужась кужым тырмыт уг сёты.

Калининлэн нимыныз нима колхозлэн председателез Степанов эш нюлэс дасян но ворттон планзэ зэмен уг лыд'я. Соин ик со нюлэс уже ужась кужым туж ичи сётэ, Степановлэн нюлэскы ыстэм ужась кужыменыз 1-ти кварталлы тупа эм нюлэс дасян планзэ быдэстыны луоз одйг ар но куинь толэзь ужаса гинэ. Колхоз IV-ти кварталын нюлэс дасян планзэ 19 процентлы, ворттонзэ 54 процентлы гинэ быдэстыз. Та колхоз'ёслэн председателесь нюлэс дасян но ворттон планзэ быдэстымтэенызы сэрэн Ижевской заводлы нормально ужаны люкето.

**А. Перевощиков.**

## Колхозлы юртто

„9-е января“ колхозысь дышетскысь пинал'ёс Коля Федоров, Миша Захаров но Петя Захаров каникул дыр'язы колхозлы урожайностез жутоны юрттыса нуналлы быдэ 4—5 центнер пень бичазы. Та ужез организовать кариз колхозлэн агротехникез В. Исаев эш.

**Н. Кузьмин.**

юзной сельскохозяйственной выставкаын участвовать карыны дасяське.

Бадзымесь вормон'ёс бастызы совхозлэн дояркаосыз но ВСХВ-лэн участникаез Марфа Кузьмина 1939—1940 ар'ёсы план'я 40751 литр интые 44228 литр йöл кыскыны быгатыз. 1940 арын со котькуд фуражной скаллы 3000 литр йöл кыскыны обязательство бастыз вал, нош со кыскиз—3159 литр. Кузьмина эш туэ куиньметй арзэ ВСХВ-ын участвовать к а р о з н и.

План'я котькуд фуражной скаллы, шорлыдын вераса, 2100 литр йöл кыскон интые В. Косолапова—2742 литр, А. Р я б о в а—2476 литр, Т. Татаркина—2278 литр, П. Казакова—2219 литр но М. Копина—2103 литр кыскизы.

Умой у ж а совхозлэн опытной пастухез М. Шорохов эш. Пудоос бусын ветлон дыр'я солэн возмам

## Кадр'ёсты дасян понна уг сюлмасько

Туэ, 1940—1941 дышетскон арын, „Квадашур“ колхозысь (председателез Д. Туктарев) 4 мурт, Азинлэн нимыныз нима колхозысь (председателез Аймаков) 4 мурт, „1-й май“ колхозысь (председателез Рябчиков) 4 мурт, „15 лет Удмуртии“ колхозысь (председателез Кузнецов) 6 мурт трактористэ дасямын луыны кулэ вал. Та выли верам колхоз'ёслэн кивалтысьёсы Кечевской МТС-лэсь сётэм планзэс öз бы-

дэстэ. Азинлэн нимыныз нима колхозысь но „Квадашур“ колхозысь тупиэ нуналозь быдэн одйг мурт гинэ курсын дышетско, соос но несовершеннолетней мурт'ёс, нош „1-й май“ но „15 лет Удмуртии“ колхозысь одйг мурт но курсы вьлэмын öвöл. Тини озы выли верам колхоз'ёслэн кивалтысьёсы вуоно большевистской тулыслы дасяськыны люкето.

**П. Данияров.**

## Пчеловод'ёс тырмыт луыны кулэ

Удмуртской АССР-лэн Совнаркомез но ВКП(б)-лэн Обкомез арлы быдэ колхозной пчеловод'ёсты но пчеловодствоя зоотехник'ёсты дасян'я решениос кутто но указаниос сёт'яло.

Туэ арын асьме районьсы 17 мурт выль пчеловод'ёсты дасяны кулэ вал. Однако куд-ог колхоз'ёслэн кивалтысьёсы муш вордонлэсь значенизэ валаллямтэ на, соос выль кадр'ёсты дасян понна ичи сюлмасько.

„Юж-Пурга“, „В ы л ь гурт“, „1-й август“, М-Пургинской сельсоветысь „1-й

м а й“ но Ср-Кечевской сельсоветысь „1-й м а й“ колхоз'ёс пчеловод'ёсты дасян курсэ алями öз вис'ялэ. Соин ик район'я 17 мурт дышетскон интые 7 мурт гинэ дышетско.

Пчеловодствоез дун'яны кулэ. Выли верам колхоз'ёслы пчеловод'ёсты дасян курсэ жоген адымности вис'яно.

Пчеловодствоян в ы л ь вормон'ёс бастыны быгатозы умой, ужез зеч тодысь но та ужез яратысь мурт'ёс гинэ.

**С. Шадрин,** райолэн пчеловодствоя зоотехникез.

## ГТО но БГТО значеклы куасэн норма сётызы

6 январьсен 9 январозь асьме районьн допризывник'ёслы приписка ортчиз. Куинь нунал куспын допризывник'ёс пöлысь 79 мурт ГТО значеклы куасэн норма сётызы. Туэ толалтэ ГТО но БГТО значек'ёслы ваньмыз 96 мурт куасэн норма сётызы ни.

Куасэн тренироваться кариськем допризывник'ёс синмаськымонэсь показа-

тельёс возматызы 10 километр дистанциез В. Сушков 30 минут, К. Пивоваров 31,5 минут, М. Коростелев 33 минут но М. Игнашев 34 минут куспын ортчыны быгатызы. Таёе вормон'ёсты бастыны быгатоз котькудиз допризывник, комсомолец, егит пи, ныл, солы понна куасэн тренироваться кариськем гинэ кулэ.

## Неграмотнойёсты уг дышето

Ильинской сельсоветысь Калининлэн нимыныз нима колхозын неграмотнойёслэн но малограмотнойёслэн лыдзы 80 мурт ёрос лыд'яське. Озы ке

но тупиэ нуналозь татын одйг муртэ но дышетыны кутскемын öвöл, культурмеец'ёс вис'ямтэ.

**Ал. Львов.**

котькуд гектарысь, шорлыдын вераса, 16 центнер ютысь, 45 гектар вылысь быдэн 300 центнер картофка; ефремовской р е к о р д н о й участкакысь 500 центнер картофка но 600 центнер горд кушман бастыны обязательство сётыз. Али со урожайностез жутонын практической мероприятиос ортчытэ. Вань кидысэ сортировать карыса быдэстыз ни, минеральной удобрение вортэ, кьед, кьед у д а с я, пень бича, звеновод'ёсты агротехникалы дышетэ.

1941 арыя „10 лет УАО“ совхоз вылэсь азинскон'ёс бастыны нюр'яськоз, производственной планзэ мултэслы быдэтыса асьмелэн странамылы планлэсь вылти выли зечлыко сельскохозяйственной продукт'ёс сётыны быгатоз.

**Ф. Орлов,** первичной парторганизацилэн секретарез.

Редактор—**З. Тимофеев.**